

«ՎԱՆԱԶՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ»

ՀԻՄՆԱԴՐԱՄ

Հավելված

«Վանաձորի Հ. Թումանյանի անվան

պետական համալսարան» հիմնադրամի

ռեկտորի 31.10.2019թ. թիվ 1093 Ն/Կ հրամանի

ՎԱՆԱԶՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆԻ  
ՄԱԳԻՍՏՐԱՏՈՒՐԱՅԻ ՀԵՌԱԿԱ ՈՒՍՈՒՑՄԱՆ ՀԱՄԱԿԱՐԳՈՒՄ 2019-2020  
ՈՒՍՈՒՄՆԱԿԱՆ ՏԱՐՎԱ ԸՆԴՈՒՆԵԼՈՒԹՅԱՆ  
ԿԱՐԳ

Ընդունված է ՎՊՀ-ի գիտխորհրդի կողմից

Արձանագրություն թիվ 10 31.10.2019թ.

Վանաձոր

2019թ.

**I. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կարգով սահմանվում է «Վանաձորի Հ. Թումանյանի անվան պետական համալսարան» հիմնադրամի (այսուհետ՝ Համալսարան) մագիստրատուրայի հեռակա ուսուցման համակարգում 2019-2020 ուսումնական տարվա ընդունելության կարգը (այսուհետ՝ Կարգ):
2. Կարգի իրավական հիմքերն են ՀՀ սահմանադրությունը, «Բարձրագույն և հետբուհական մասնագիտական կրթության մասին» ՀՀ օրենքը, Համալսարանի կանոնադրությունը, ՀՀ ԿԳ նախարարի 2007 թ. դեկտեմբերի 6-ի թիվ 1193-Ն հրամանով հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգը»:
3. Մագիստրատուրայում կարող է սովորել բակալավրի, դիպլոմավորված մասնագետի, մագիստրոսի որակավորում ունեցող անձը մասնագիտական գիտելիքները խորացնելու, վերամասնագիտանալու, ինքնուրույն գիտական ուսումնասիրություններ կատարելու, մասնագիտական, գործնական, նորարարական, տեխնոլոգիական զարգացումների ու նոր հնարավորությունների ընկալման ունակություններ ձեռք բերելու և մագիստրոսի որակավորման աստիճան ստանալու համար:

**II. ՄԱԳԻՍՏՐԱՏՈՒՐԱՅԻ ՄԱՍՆԱԳԻՏՈՒԹՅՈՒՆՆԵՐԸ ԵՎ ՏԵՂԵՐԸ**

4. Մագիստրատուրայի հեռակա ուսուցման համակարգում 2019-2020 ուսումնական տարվա ընդունելությունը կատարվում է հետևյալ մասնագիտության գծով վճարովի հիմունքներով, բացառությամբ օրենքով նախատեսված դեպքերի.

Դասիչը, Մասնագիտությունը	Դասիչը, Կրթական ծրագիրը	Բուհի կողմից ուսման վարձի մասնակի գեղչի կիրառմամբ /վճարովի/	Ուսման վարձը /հազ. դրամ /
1	2	3	4
<b>031301.00.7 Հոգեբանություն</b>			
	031301.07.7.Անձի հոգեբանություն և հոգեբանական խորհրդատվություն	15	280

**III. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅՈՒՆԸ, ՄՐՅՈՒՅԹԻ ԱՆՅԿԱՑՈՒՄԸ**

5. Համալսարանի մագիստրատուրա մրցությամբ կարգով կարող են ընդունվել բակալավրի, դիպլոմավորված մասնագետի, մագիստրոսի որակավորում ունեցող ՀՀ քաղաքացիները:

Օտարերկրյա քաղաքացիները և ՀՀ քաղաքացիություն չունեցող անձինք մագիստրատուրա կարող են ընդունվել միջպետական կամ միջգերատեսչական պայմանագրերի, համաձայնագրերի հիման վրա կամ սեփական նախաձեռնությամբ:

6. Համալսարանի մագիստրատուրայի հեռակա ուսուցման համակարգի ընդունելությունն իրականացվում է ըստ կրթության պետական կառավարման լիազորված մարմնի կողմից հաստատված լիցենզիայի:

7. Առաջին փուլով ընդունելության համար կարող են դիմել տվյալ մասնագիտությամբ այն շրջանավարտները, որոնք ամփոփիչ ատեստավորումից (պետական քննություններ) ստացել են «լավ» կամ «գերազանց» գնահատականներ, և որոնց դիպլոմի հավելվածում նշված բոլոր առարկաների քննական գնահատականների միջինը կամ միջին որակական գնահատականը կազմում է.

- «4.00» կամ ավելի միավոր (5 բալանոց համակարգով), «12» կամ ավելի միավոր (20 բալանոց համակարգով), «71» կամ ավելի միավոր (100 բալանոց համակարգով):

8. Համալսարանի մագիստրատուրայի ընդունելության առաջին փուլն իրականացվում է ներկայացված փաստաթղթերի հիման վրա՝ փաստաթղթերով և մասնագիտական ընդունելության քննությունների արդյունքներով անցկացվող մրցույթի հիման վրա:

9. Երկրորդ փուլով կարող են ընդունվել այլ մասնագիտությունների շրջանավարտները, ովքեր պետք է հանձնեն ընդունելության քննություն մասնագիտությունից:

10. Հավասար միավորների դեպքում մագիստրատուրայի ընդունելության մրցույթն անցկացվում է հետևյալ չափանիշների առաջնահերթությամբ.

- 10.1. նախորդ ուսումնառության ծրագրում ցուցաբերած ընդհանուր առաջադիմության գումարային միջին գնահատականով կամ միջին որակական գնահատականով,
- 10.2. մասնագիտական առարկաներից ցուցաբերած առաջադիմության գումարային միջին գնահատականով կամ միջին որակական գնահատականով,
- 10.3. տպագրված կամ տպագրման ընդունված գիտական աշխատությունների, թեզիսների և գեկուցումների առկայությամբ,
- 10.4. ոչ մասնագիտական առարկաներից ցուցաբերած առաջադիմության գումարային միջին գնահատականով կամ միջին որակական գնահատականով:

Հավասար միավորների դեպքում նախապատվությունը տրվում է ուսումնառության ողջ ընթացքում ակադեմիական պարտք չունեցած շրջանավարտներին:

11.Քննությունների հարցաշարերը հաստատվում են մասնագիտական ամբիոնի կողմից և մինչև 2019թ. հոկտեմբերի 1-ը տրամադրվում են ուսումնամեթոդական վարչությանը:

12.Ընդունելության քննությունը կազմակերպվում է 2019թ. նոյեմբերի 1-ին:

#### **IV. ՄԱԳԻՍՏՐԱՏՈՒՐԱՅԻ ԸՆԴՈՒՆՈՂ ՀԱՆՁՆԱԺՈՂՈՎՐԸ ԵՎ**

##### **ՈՒՍԱՆՈՂՆԵՐԻ ՀՐԱՄԱՆԱԳՐՈՒՄԸ**

13. Մագիստրատուրայի ընդունելությունն իրականացնելու նպատակով Համալսարանի ռեկտորի հրամանով և նախագահությամբ ստեղծվում է ընդունող հանձնաժողով, որում ընդգրկվում են ուսումնական աշխատանքների գծով պրոռեկտորը, ուսումնամեթոդական

վարչության պետը, մասնագիտական կրթական ծրագրերի (ՄԿԾ) կրթական գործընթացը կազմակերպող դեկանը, ընդունելության պատասխանատու քարտուղարը:

14. Քննությունների անցկացման նպատակով ուսումնական աշխատանքների գծով պրոռեկտորի առաջարկով, Համալսարանի ռեկտորի հրամանով ձևավորվում են քննական հանձնաժողով:

15. Ընդունող հանձնաժողովը մրցույթի հավակնորդների ցուցակներով իրականացնում է մրցույթ արդյունքների հաշվառմամբ՝ ըստ մասնագիտությունների:

16. Հանձնաժողովի անցկացրած մրցույթի արդյունքներով դիմորդներն ընդունվում են Համալսարան:

17. Ընդունված դիմորդը Համալսարանի ռեկտորի հրամանով կցագրվում է մասնագիտական կրթական ծրագրին, իսկ նրա և Համալսարանի միջև պայմանագրի կնքումից և նրա կողմից ուսման վարձը վճարելուց հետո կցագրվածը Համալսարանի ռեկտորի հրամանով դառնում է մագիստրատուրայի ուսանող:

## **V. ՀԱՄԱԼՍԱՐԱՆԻ ՄԱԳԻՍՏՐԱՏՈՒՐԱ ԸՆԴՈՒՆՎԵԼՈՒ ՀԱՄԱՐ ԴԻՄԵԼՈՒ**

### **ԺԱՄԿԵՏՆԵՐԸ ԵՎ ՆԵՐԿԱՅԱՑՎՈՂ ՓԱՍՏԱԹՂԹԵՐԸ**

18. Համալսարանի կողմից զանգվածային լրատվության միջոցներով տրվում է հայտարարություն ընդունելության մասնագիտությունների, տեղերի և կանոնների վերաբերյալ: Հայտարարությանը կցվում է մագիստրանտի հետ կնքվող պայմանագրի տեքստը:

19. Մագիստրատուրայի ընդունելության համար դիմումի և փաստաթղթերի ընդունումը կատարվում է 2019թ. սեպտեմբերից հոկտեմբերի 31-ը ներառյալ:

20. Համալսարանի մագիստրատուրայի դիմորդները ընդունող հանձնաժողով են ներկայացնում հետևյալ փաստաթղթերը.

ա) մագիստրատուրայի ընդունելության դիմում-հայտ՝ Համալսարանի ռեկտորի անունով (լրացվում է տեղում),

բ) բարձրագույն կրթության մասին դիպլոմի և նրա հավելվածի բնագրերն ու պատճենները,

գ) երաշխավորություն ֆակուլտետի գիտական խորհրդից (նախորդ տարիների շրջանավարտները, պարտադիր ժամկետային զինծառայությունից զորացրվածներն ու այլ բուհերի շրջանավարտները չեն ներկայացնում),

դ) նախորդ տարիների շրջանավարտները, պարտադիր ժամկետային զինծառայությունից զորացրվածներն ու այլ բուհերի շրջանավարտները ներկայացնում են տեղեկանք միջին որակական գնահատականի վերաբերյալ,

ե) ինքնակենսագրություն (CV),

զ) անձնագրի պատճեն,

է) 3 լուսանկար (3x4 սմ չափի),

ը) հրատարակված կամ հրատարակման ընդունված գիտական աշխատությունների ցուցակ (դրանց առկայության դեպքում):